

Bedeutnis vnd Offen

barung/warer Hymlicher Influxion/ des Hoch
erfahren Magistri Johannis Carionis Buctikaymensis .

Churfürstlicher Gnaden von Brandenburg. 2ce. Mas
thematicij/ Von yharn zu yharen/werende bis
man schreibt. M. D. vnd. xl. yar. Alle
Landschafft/stende vnd eins
flus clerlich betreffende:

Figura cœli tempore principij mundi.





Bedeutnis vnd Offen

barung/warer Hymlicher Influxion/ des Hoch
erfahren Magistri Johannis Carionis Buctikaymensis .

Churfürstlicher Gnaden von Brandenburg. 2ce. Mas
thematici/ Von yharn zu yharen/ werende bis
man schreibt. M. D. vnd. xl. yar. Alle
Landschafft/ stende vnd ein
flus clerlich betreffend.

Figura cæli tempore principij mundi.





Dem würdigen vnd an

dechtigen Herrn Cristoffel Riglern Priestern 2c.
Meyne sonderlich vorwanten. Wunsch ich Johan Charion

Churfürstlicher G. von Brandenburg astronomus

Vnd der sibem freyen Künsten Magister 2c.

Gnad Fried vnd heyl von Gott

zu allen zeitten.

A Undechtiger vnd würdiger Herr/Es ghen hin vnd wid
der/ia allenthalben ynn diesen vnsern Tharen/Prophe
zeyhen vnd weysagung auß/ yetz von diesem / dan vñ
Ihenem. Etlich aus eignem gutduncken/der selbigen schrei
ber odder propheten. Auch etlich auß einem grund/der doch
bis anher wenig gesehen sein. Des halben ich es dafur hab /
das sie die Buchdrucker selbs etwan erdichten/ also vntter
das volck für Nerve mehr außgiessen/vnd blasen söliche pro
phetzeyen hoch auff/vnd geben ihnen ein solchen weydelichs
en vnd dapffern Tittel/das der leser so er die ansichtig wird
nicht woll vnterlassen kan/muß eine kauffen. Vnd so er dann
ynn die Materi kömpt/ist es mit einem quareck vorsigelt/vñ
etwan die vorred lenger/dan das ganz werck/ danon der tit
tel lautend ist. Derhalbē Undechtiger her ich bewegt wurt
Eyn prognostication/nach warer vnd grundlicher himlisch
er Influrion/zu practiciren/mit viel nach folgenden yhare
werende bis man schreibē wird nach der geburr Christi funff
zehenhundert vnd vierzig yhar. Wer als dann lebt mag sie
weyter erstrecken/vnd hab darüber eynem yeden yar sein eys
gen Revolution mit sampt den figuren gemacht. Auch die
profectiones annorum mūdi/vnd das athasir/des bedeutens
direction/dartzu vorgangne vñ zukunfftige/die grōste/grof
sen vnd mitlen coniunctiones. Auch den eingang der vier bez
weglichen zeychen/mit sampt den preuentionibus vnd cons
iunctionibus gerechnet/vnd ihrer aller proprietet erforschet

dar durch man die Saracenische/Arabische vnd andere sec-
ten erkennen mag/auch alle finsternus Son vnd Mons erkün-
det / damit ich ye etwas gewyssers dann von andern (doch
nicht allē) bis hie her geschēhē/mit der hülffe Gottes schrey-
ben wolt. Nicht aber mein lieber Her/das ich die Christen
verfuere/vnd sie eynein solchen heydenischen vnd menschlich
en thand/ anhengig mach. So dis meyn büchleyn eyn mall
odder mehr zukunfftige warheyt anzeygen wurde/ Es hat
macht zu glauben wer do will. Wie wol nicht weniger ist/
woher do Gott fürchtig/vnd verstendig der natürlichen wur-
ckungen/kan furwar wunderliche vnd treffliche weyssagūg
en/one wan vnd falscheyt/ von zukunfftigen dingen anderen
anzeygen vnd eröffnen. Wie wir dan von vielen Arabischen
Egipciern vnd Orientischen völkern/auch andern warhaf-
tig erfahrung vnd wissen tragen. Der halbē ich dis mein buch
leyn/odder dis prognostication mit keynem der alten erfarnē
bewehren darff/auch nicht von nöten. Wie wol auch ich der
selben eynen ganzen hauffen/mit sampt yhren spruchen her
fur rucken könt/welche mir doch hie her nicht geben noch ne-
men. Darumb würdiger vnd andechtiger Her/ hab ich euch
nicht weniger als meynem vater / der yhr euch an mir vnd
den meinen veterlich erzeigt/dis prognostication zu sonder-
lichen willen/für euch gemacht. Des halben nicht von nö-
ten ist/solchs yn druck zu bringen/dan sachen /so do auß ey-
nem grundt gehen/soll man nicht mit der menge vntter die
vnuerstendigen werffen / sondern zu nutz vnd warnung für
sich behalten. Wie vnd auch Orpheus seine Ceremonien ver-
barg. Der gleichen auch Plato/Timeum nicht von sich wolt
lassen/sondern yhn sted bez yhme erhielt / damit die künsten
der natur nicht gemein wurden. Solchermaß wolt yhr auch
dis bewaren/fleyßig bietend/solchs neben andern prognosti-
cation anzusehen/vnd die warheyt/dem der sie verdient zu
zuschreyben. Damit befiel ich mich ewer andacht/der selbē
yn allem willen billiche dienst zuleisten. Wollent solchs den
wolgelarten vnd furnemen Laurentz Neuper Rentmeister

vnd Johan Baunach der Rechten Baccalaureo / mitteyle
vnd weytter ynn eröffnung nicht gedeyen lassen 2c. Datum
Berlin Sonnabent nach Katharine. Anno 2c. xxvj.

¶ Die erwelung aller Propheten ist gemeynlich von der
welt anfang her/nicht (dann ane eine grosse vnd mercklich
rsach) geschehen/der straff vnd wunderzeychen Gottes.
Der halben auch yhre prophezeyen/beforder die Christum
vnd die figuren des Newen Testaments / vnser Heyligen
Christlichen glaubens bedeuten/erfuld vnd volnbracht seint
Vnd yhre etlich yn vnsern gezeyten/ytz ymerdar eyne nach
der andern volbracht werden. Vnd one zweyffel zumtheyll
auch noch zukunfftig/wie dan an vielen örten der Heyligen
Propheetē/beforder yn Hsaya/Amos/Daniele vnd Abacuc
vermeldet ist. Dann wue die spruch der propheten von trub
sal / muhe vund arbeit sagen/werden sie gemeyniglich mehr
dann ein mal/sondern zum offtermal erfüllet/vnd auch wir
der aller grausamesten vnd bittersten straff nicht ein mal/ya
zu hundert tausent/vund noch viel mehr maln woll wyrdig
vnd werd seyn. Darumb auch die prophecey Abacuc/nicht
alleyn den Babilonischen König / sonder sal vnd mag auch
auff diese vnser zeyt/dem Turckischē Keyser wol vergleich
et werden. Dann yhe der Prophet anfechtung der rechtglau
bigen verkundet. Welche yn dem alten Testament die Judē
waren/vnd yezunde wir Christen. Dann der recht glaub vñ
das Ewangelion/ye vnd ye von anfang verfolgung leyden
mus. Darumb hab ich die wort Abacuc des Propheetē/wie
sie yn seynem eygen buch beschriben lautent. Vnd von einem
rechuerstendigen verteuerscht. Nemlich Also.

3LXX wie lang soll ich ruessen/vnd du wilt nicht hörē/
wie lang soll ich zu dir schreie vber freuel/vnd du wilt nicht
helffen. Warumb ledest du mich sehē muhe vnd arbeit/war
umb zeigstu mir raub vñ freuel. Es geht gewalt vber recht/
darumb mus das gesetz wancken/vnd kan keyn recht zum en
de kommen/dann der gotloß vberfortheilt den gerechten. Dar

Abacuc.

umb gehn auch verterte vrteyl. Sehend vuter die heyden
vnd verwundert euch/dann ich wil etwas thun zu ewern ze-
ten/welchs yhr nicht glauben werdet/wan man dauon sagen
wirt/dan ich wil die Kaldeyer erwecken/ein bitter vn̄ schnell
volck/welchs ziehen wirt als weyt das land ist/wonungen
eingenemen die nicht sein seynt/Vnd wirt grausam vnd er-
schrecklich sein/welchs volck wirt richtē nach seiner art.Sei-
ne pfferde sein schneller dann die Parden/vnd seine reutther
kommen von ferne/vnd werden daher fliehen/wie ein Adler
zu dem aß.Sie werden komen nur zu freneln/vnd herfaren
wie eyñ schneller wind/vnd die gefangne zu sammen samlē
wie den sandt.Soldchs volck wird der Könige spotten/vnd
der Fursten lachen.Alle festungen werden yhine eyñ schertz
sein/dann es wirt schutt machen/vnd die doch gewinnē.As
dann wirt ehr eyñ neuen mut nemen/wirdt forsfaren vñnd
sich versündigen/dann muß sein sig seynes gottes sein. Aber
du **HERR** der du von ewigkeit **HERR** bist/las vns nicht
sterben.Sondern **O** **HERR** laß yhnen nur eyñ straff seyn/
vnd laß yhnen **O** vnser hort vns nur zuchtigen.Deine augē
sein reyn/das du vñbels nicht sehen magst/vnd dem yammer
kanstu nicht zu sehen.Warumb siehestu dann zu den verech-
tern/vñnd schweygest das der gotlose verschlinget den/der
frömmier ist dann ehr/vñnd lassēst die menschen gehen wie
visch ym meer/wie gewurm das keinen herrn hat.Er zentht
alles mit dem hamen vnd fehet mit seinem netze/vnd samlet
mit seinem garn.Des frewet er sich vnd ist frölich/Darumb
opffert ehr seinē netze/vnd reuchert seynem garn/weil durch
die selbigen/sein teyl so fett/vnd seyne speyß so völig worde
ist/Derhalben wurffte ehr seyn netz noch vmer auß/vnd will
nicht auffhören leuthe zu erwurgen.

Abacuc:2

Der **HERR** antwortet aber mir vnd spricht/schreib das
gesicht vn̄ mals auff ein taffel/das es lese wer voruber geht
Nemlich also/das gesicht stehet noch bis zu seyner zeit/vñ
wirdt endlich frey an tag kommen/vnd nicht auffen bleyben

Ob es aber vortzge/ so harre sein/ es wirt gewisslich komme
vnd nicht vortzihen. Wehr aber da widder strebt / des seele
wirt nicht gelingen/ dann der gerechte lebt seines glawbens.

Wie plözlich werden auff wachen die dich beyssen/ vnd
erwachen die dich weg stossen werden / vund du mußt yhnen
zu theyl werden/ dann du hast viel heyden geraubt / vnd so
werden dich widder rauben / alle vbrige von den völkern /
vmb der menschen blut willen/ vnd vmb des freuels willen /
ym land vnd ym der stad/ vnd allen die darynnen wonen.
Welche weyter wollen lesen/ suchen yn dem end des Prophe
ten/ findē den text yn dem außgang noch viel erschrecklicher.

Abacuc.

Darumb O yhr Christenliche König/ Fursten vnd Herrn
Auch yhr gewalthabende menschen / Geystlichs vnd welt
lichs standes/ lassend euch des Propheten so greulich war
nung eyn witzung seyn. Vnd werffend ewer anschleg auff dy
rechten seyten/ furwar die heylige prophezeien seint den me
rern theyl alle herbey. Vnd was wir nun der zeyt leben / ist
vbermaß / vnd vns zu gegeben / odder oben eingeschandt.
Dann die wochen Danielis des propheten / seint gar nahe
nach der verstörung Iherusalem zum andern mall fur vber/
Vnd auch die zeychen des hymels/ an Sonn vnd Monn/ vñ
anderen sternē/ zur vbermaß genugsam erfüllet. Nun etlich
vergangen yar her geschehen. Nicht mit wenig erschreckung/
auch treffentliche vñ schnelle veränderung etlicher grosmech
tigen Königen/ Fursten vnd Herrn. Darumb abzunehmen /
das wir yzunder furwar von der neyge zeren / vnd dem fas
der boden bald vbersich gesturtz wirdt. Darumb du gutigist
ret Keyser vnd yhr andere meine gnedigste gnedige König/
Khurfursten/ Fursten vnd Herrn/ beyde geystlich vnd welt
lich/ Christenlicher versamlung. Ist mein ynniglich begeren/
vnd ganz treulich ermanung/ yhr möchtet allenthalben vn
sern yzēt so gar sorglichen stande/ vnd vngewiß mißlich les
ben/ beherzigen vnd yzt meyner warnung/ ya trewea rats

Daniel.

mit dem ich (als mir Gott soll helfen) euch allen verwandt
Nicht das ich mein meynung/ vber ewer so hochnerstendige
vernunftten vnd weysheysten preise/ den selben ewern hohen
verstandten zu ratten/ der ich doch dem wenigste vnter euch
zu keynem fustuch wurdig/ muß geschweygen ein radgeber.
Alleyn das mich eynes grewlichē wetters onet/ welchs vber
gang vns alle netzen wird. Wie dann ich ynn nachuolgenden
meynen schrifftten angeygen will/ nach der meynung der alte
gestirns erfarnē/ mit meynem aller müglichsten vleyß/ nach
warer hymlischer ynfluenz/ vnd einmeygung von yar zu yar
ren. Alle Königreich Furstentumb vnd stende Christenlichs
vmbtreysß betreffende. Darumb yhr Christeliche König/ vñ
yhr edlen Fursten/ nempt an euch yn diesem yamer/ eyn mil
ten vnd eyntrechtighen Friden/ vñnd lassend Creutz vñnd
Creutz gegen eynander nicht sechten. Ein Christ dem andern
entgegen/ lernet die weyl vns die zeyt so grewlich ansicht.
milt/ guttig vnd barmhertzig zu seyn. Nempt/ behaltet vñ
schutzet was ewer ist/ vnd was nicht ewer. So handhabent/
helffend vnd beschirmet/ dem/ dem es zu erretthen vñnd be
halten gehört. Dann der ermet vnter euch ye seins leybs nas
rung etwan hat. Dann der geyst weniger weltlicher guter/
aber der leib das gegentheyl alweg begerend ist. Darumb ein
yeder sein termin heutte stelle zu sterben/ tracht nicht vberi
ger tage/ so lauffen one allen zweyffel seyn sachen zu gnedi
gem endt. Dan die art ist yzt an die wurzel gesatzt/ vñ dem
holzhawer befolhen/ den baum zu fellen. Darumb liebē hern
gebe keyner dem andern vrsach zu kempffen/ oder zu zancf
en/ dann so yhr euch auffrührisch gegen einander lenet/ so sichte
es etwan eyn fremder/ der tregt darob gefallē/ vnd lacht ym
sein hertz/ sucht zeyt/ vrsach vnd gelegenheyt zwischen euch
zu kommen. Des zu eynem beyspyl will ich euch eyn gleich
muß sagen. Es begab sich auff eyn zeyt bey einem bach oder
fluß/ das ein Frosch vnd ein Maus mit einander kriegte vñ
zancfete ye eynes das ander zwingende/ das es mit yhm yn
sein wonig solt/ die Maus yns wasser/ vnd der Frosch auff

land / das doch yhrer beider natur entgegen was / wurden der
sach eins / vnd bunden sich mit eynem sadē zusammen / vñ solt
yzlichs ziehen vnd trecken. Welchs das ander ynn sein wou
nung züg vnd schlöpt / da solt es bleiben. Vñ dem als sie kris
egten / erschach das ein Storck vnd nam sie beide hinweg / mus
ten also diese beyde krieges / yzlichs seine woung verlassen /
vnd dargu gefressen werden. Darumb yhr Christenlichen
heupter / betrachtent dieser zeyt so gros ansechtüg vnd trüb
saldt / betrachtent das yhr / alle als viel erwer sein / alle glieder
eynes cōpers seynt. Vñnd als wenig ein glid des leibs dem
andern schaden odder wehe thun mag. Der massen yhr am
selben euch auch spigeln solt / damit nicht ein fremder kom /
neme euch beyde odder alle miteynander / gebe euch auß der
freyheyt yn die dinstparkeyt. Ja wol gar yn todt / vñnd dan
erst erwer hadder entscheide werdt / vnd erwer ganz end nem
Dann so wir kinder der gnaden vnd des friedes seynt / mus
sen wir ye auch der selbigen werck thun / wollen wir anders
den namen behalten. Werden wir aber die werck lassen / vnd
doch ymmerdar vns des namens gebrauchen / wirt furwar
Gott vber vns ein Storcken senden / vnd der greuel der ver
wüstung vns vberfallen. Also auch das woll die außserwel
ten mödchen verfürte werden / odder schaden leyden. Derhalb
ben so lassent vnß Got eintrechtiglich mit rewigem hertzen
bitten / das ehr vns seyner grundlosen gnad vñ barmhertzig
keyt nicht beraub. Auch die augē seiner miltē guetigkeyt yetz
yn diesem betrubten ellend / nicht von vns wende. Dargu hel
ffe vns Gott vatter / Gott Sohn vnd Gott heyliger geyst.

A M E N.

Hernach volgen nun rñiſ Jar / ein yzlichs mit
seyner sonderlichen vnd würcklichen bedeutunus
der Influxion / Alle landschafft vnd stend mit
yhem gluck vnd vngluck betreffend.

B

Erstlich von dem yhar Nach Christi geburt Sunffstze
hundert vnd Sieben vnd zwanzig.

Alhier ist zu mercken/das man mir diese prognostication
nicht yn ein trutz odder freuel wolte ziehen/dann ich yhe des
verstandes/das ich Gott dem Almechtigen sein vrtail reyn
lasse/vnd sein Götlich gnad alle stend vnd landschafft/bes
sern/ergern/mehren vnd mindern/nach der selben hohen göt
lichen willen/welchs alles sie mit keynem menschen noch en
gel beraten/allein bloß ynn der selben hendē. Was aber him
lische ynsfluxion anzeygen / auch was die altē weisen/durch
yhr experientz odder erfahrung haben/will ich eröffnen/vnnd
damit ich solchs deßter kurtzer beschreibe/ist nicht von nöten
zu ydem bedeutinus sein vrsach setzen/ aber des iars anfang/
auff stund vnd minuten anzeygen. Welchem nach/cin yeder
halberfarner ynn Astronomia alweg sein signr machen mag
vnd meine bedeutennissen nicht on einen grund sehen wurde/
vnd eynem yeden der mich fragen wirt allen bescheid gerne
sagen. Vnd so dem alles der massen zu trifft /so sicht man
der natur gros heymlichkeit. Ist es aber das gegen spil/oder
das es Gott sonderlich ynn gucs odder böß/nach hufwird
ung odder veruchung der einwonenden menschen / einer ye
den landschafft/ist alweg seyn vrtcyl recht/vnd sein nam ge
benedeyhet.

Ynn diesem gegenwertigen Yhar / geht die Sonn ynn
den ersten puncten des Widers/ynn dem ebennechtigen zirk
kel. Auff den gehenden tag des Merzen. 19. stund vnd. 52
minut. Ist dann der 29. grad des Stiers/ynn dem ascenden
ten/aus welchem eyngang des yhars geschickligkysten zu
verstehen seynt. Vnd wie woll ynn diesem yar widder Sonn
nach Mon befinstert werden/wirt doch dis yars cynfluß vñ
wegen der vergangnen finsternus/des Mons ynn dem. xxvj.
yar sich mancherley weysß erzeygen/yn allerley sachen vnnd
furschlegen/beforder von Königē/ Fursten vnd herrn. Aber
wenig von denen yn endung gefürt / sich werden auch vonn

wegen anderer inflexion/etlich schwerheyten erzeygen vnd
begeben/vntter Fursten vnd Herrn. Vnd viel menschen mit
mühe vnd trubsal beladen/yn grossen komer/sorg vñ angst
tragen. Solchs wirt sich erzeygen zumteyl yn hoch teutschs
en landen. Auch nicht ein geringer schreck vber das ganze
Italia/Venedig vnd Meyland fallen/mit mord vñnd ver-
wiste. Vnd wirt yn Ungern vnd Behem/grosse zwitteracht
vnd vneyningkelt vntter den eynwonenden menschen/wu we-
nig einander mit trewen meinen werden. Die Eidgnossen/
odder Schweizer/werden ynn diesem yhar/ynn grossen sor-
gen stehen/mit konimar vnd angst vmbfangen/sich fürchte
vor eynem vberlast. Aber sie werden mit freuden ein gut vñ
gluckhafftig ende sehen. Frankreich wirt etwas rwig vnd
ynn gewyn schweben/wie woll sich grosse vnstetigkelt erzei-
gen wirt durch die freundschaft der obersten. Des Turcke
zukunfft odder schaden/dörffen wir vns nicht vermuthen/
Wie woll gewisse boeschaft vnd handlung/den Christlich
en Fursten/von yhme eröffnet worden/vnd mancherley ans-
schlege machen/der aber wenig erfüllt werden/aufgenommen
diese örter die ehr yzt schon besitzet. Vnd an eglischen örten/
des Reinstrams/auch Elsas vñ Sundgarw/ werden sich yn
diesem yhar grosse krankheyt erzeygen/mit pestilenzischen
vnd sunst harten febribus/auch anderer schnellen krenckliche
zufelle. Straßburg wirt auch yn diesem yar/dem vngluck
kaum entgehen. Nurmberg mit sampt etlichen beiherischen
stetten/wirt solcher maß mit krankheyten belastiget. Mech-
elnburg/Lubeck/Luneburg mit sampt andern vmbligende
örttern/werden der schwacheyt gros beschwerung haben/et-
lich mit geschwülsten vnd grausamen plattern. Die Mark
graff schafft Brandenburg 2c. vnd Meyssen/werden gutte
rwe vnd fried haben/doch angefochten mit blödigkelt yres
leibes/damit sie yn vnstete gesundheyt das ganze yhar vber
schweben werden. Die Schlesië vnd etlich antreffende Ung-
erische Stet/werden sich wol gehalten. Vnd yn diesem yhar
etlich landes ordnung machen/der halben sie von vielen ges

lobt werden. Dennardt/Norwegen vnd Schweden / auch
Littaw werden yn grossem gluck ston/one ganz vnd wider
wertigkheyt von fremden. Aber sie vntereynader / werden sich
vbel vertragen. Vnd wirt sich der eynfluß gegen yhnen er
zeygen / als ob ein wetter kommen wolt / aber sie dörfen yhn
nicht grausen lassen. Es geht geringe ab. Poln/Preussen / vñ
Liff landt / werden eines mitlen glucks yn yhrem wesen habē
doch sehen sie sich für / dann yhnen wirt yhrer haubtherren
vntergang gedrawet.

Auch hab ich yn eynem yeden yar/etlich der stende wesen
begriffen. Vñd erstlich von vnserm aller Gnedigsten Herrn
dem Römischen Kaiser 2c. Welcher yn diesem yar / manche
reyse thū wirt / vñ mit mancher sachen vnd mühe beladē wer
den / vnd yn sonderheyt was den glauben betreffen wirt / der
halben ehr auch sorg vnd mühe tragen wirt. Solcher mass
werden auch andere König / Fursten vnd herrn betrubt / vñ
yn mühesamen tagen leben. Welche Wirkung sich mehr ym
diesem yar vnter den weltlichen / dann geystlichen erzeygen
wirt. Rittermessige menner / Marcialische kriegs volck mit
samt andern / yn feuer arbeitenden menschen / werde gluck
hafftig vnd gnugsamen gewyn yhrer anschleg vberkommen
Kausler / vernunftige menner vnd Mercurialische / wer
den yn diesem yar / ym guttem gluck yhr narung haben.
Aber zuffall vieler bösen kranckheuten / werden die selbigen
nicht vngelyndert lassen / dardurch dann gluck yhrer narung
zu dem offtermal gehyndert werden möcht. Frauen / iunck
frauen / Fröliche menschen. Spilleut / Musici vnd iunge kyn
der. Auch in Summa alle Venerei / werde wenig glucks teil
hafftig / vnd yn manchen mühen / mit angst vnd kummer ver
fasst. Mönche / Nonnen vnd verschlossene geystliche / wer
den auch yn sorgen mühe vnd angst dieses Jars einfluß er
warten vnd sehen / solchermass alle Saturninischen auch.
Schuster / Schneider 2c. vnd ander gemeyn hädwerckts volck
werden eyn gymlich gluckhafft wesen führen. Doch keinen ste
ten furschlag yn diesem yar haben.

Von dem Acht vnd zwanzigsten Ihare.

Dieses Iars anfang/wirt auff den dinstag nach Remi
niscere/nach mittag vmb 1. 41. minuten vnd 5. secun
den. Der. 16. grad des Lewen /ym den ersten hause
welchs man den ascendenten nennet. Vnd wirt abermals wi
der Sonn /noch Mon befinstert. Aber es werden sich yn dies
sem Jar /schiebung des glaubens/ vnd ein seltsam wesen der
fursten yn verenderung erzeygen/das es furwar widerbar
lich zu reden ist. Welcher vntterthanen auch sich ym vnges
horsam bewegen werden. Auch werden yn diesem yhar die
Eidgnossen sich mehren vnd stercken/vnd yhre anschleg fur
gut achten. Derhalben sie furwar nicht geringen schaden ley
den werden. Vnd werden die Schwebischen vnd Wirtten
bergischen grossen vnfall sehen. Durlingen/Zessen vnd Fran
cken/werden yn diesem yhar mit auffruren vnd etlichen vn
ruwigen sachen beladen werden/vn zuuor was den gemeyne
mann wirt betreffen. Engellandt/Franchreich / Flandern
vnd Braband/werden gut gluck haben /vnd yhre fur schleg
vnd handlung mit sonderlichem yhem willen erfüllen. Ita
lia/Apulia auch zum teil Neapolis / werden grossen kummer
yn betrubnuß besitzen/vnd yhre oberen verlieren. Aus welch
er ursach als zu besorgen ist/sie zum theil vnder andere her
ren fallen. Vnd werde die stuell yhrer regenten mußig stehen
Die Marck von Brandenburg zc. Pommern vnd zum teil
Polm/werden yn einem mitlen gluck schweben/wie woll zu
theil die regenten dieser land mit krankheysten umfassen
werden. Doch wirt solche landschafft/yn gutem frid ruwig.
Meissen vnd Schlesien/werden zum theil eis vergiffte lufft
haben/darauf yhnen grosse krankheyt entstehē wirt. Noch
viel meher werden mit krankheysten vnd tödlichen seuchen
beladen. Demmarck/Schweden vnd Norwegen / Brauns
schweig/Bremen vnd Lauenburg/werden yn diesem Ihar
auffsteigen/vnd yhre sachen yn guttem gewin anfaben.
Aber yn Preussen/wirt ungehorsam etlicher stende sich erzei

gen/doch berichtlich widderumb entscheiden. In diesem yar
wirt Keyserlich Maiestat/viel yhrer feind sehen / vnd nicht
ein geringen betrug / von einem hohen geistlichen emphahen
Vnd sicht mich dis yars einfluß yn summa etwas selzam an
Gott gebe seine gnad / vnd schicks nach deren willen.

König / Fursten vnd hern / werden yn diesem yar viell mühe
vnd arbeit haben / beforder ynn dem was geystlich ordenung
betreffen wirt. In diesem yar werde geystliche keyn vngluck
haben. Des gleichen Rittermessige menner vnd kriegs leutte
auch / mit sampt den menschen / so yhr arbeyt ynn dem sewer
haben. Aber Kauffleut werden fallen / yn die hende der mör
der / vnnnd viel von yhnen hartiglich verwundet. Frawen/
Juncfrawen vnd Venerische leut / wie do fornen vermelt /
werden mit vielen sorglichen kranckheiten ersucht / mit vnge
luck / vnd den frawen mit mislichen geburten. Das gemeyn
handwercks volck / wirt yn dem anfang dieses yars / hochmü
tig vnd trüzig / auch zu empörung geneigt. Aber yn der en
dung still / mit erzeygung gepurlicher ordnung. 2c.

Von dem xxix Yar.

Monn.



In diesem yhar wirt der Monn garnache ganz befinstert/
lauff den Sontag nach Galli / vor mittag vmb. 8. vñ. 42.
minuten / ym dritten grad des Stiers / welcher anfang yn
der Eidgnoschafft gesehen wirt / vnd mehr an den orten ge

gen dem nidergang / wie dan die selben Königreich / nicht
mit wenigem weheclagen erfarn werden. Hie ist zumercken
das alle finsternus des Mons / yn dem vollen müssen gesche
hen / vnd yn der nacht. Dargegen alle der Sonnen beschati
gung (vns sichtiglich) bey dem tage / vnd man teilt die alle
mit puncten auß / welcher .12. eines yoden liechtes corper gantz
bedecken. Darumb so ein finsternus vntrer .12. puncten ist / be
deut sie das selbig liecht auff so viel puncten / gros befinstert.
Ist sie aber vber .12. Eclipsiert / so bedeut sie so viel puncten
vber den ganzen corper / das ist breitter geschwerzt dan sein
corper ist. 20. Vnnd bedeut vns dis gegenwertig finsternus
des Mondes / mit sampt des eyngangs der Sonnen / welcher
wirt auff den .10. tag Martij / hora .7. minut. 31. gros blut
uergiffen vnd krieg / yn etlichen hoch deutzschen landen. Vnd
wirt der Eydgroßschafft / sonderlich vngluck zu wenden /
vnd die selbigen yn schaden furen. Auch werden dann yn Du
ringen / groffe vnd schnelle krankheyt vnd zum teil auch yn
Hessen. Vnd wirt yn Engellandt vnd Glandern / geystliche
ordnung vnd newe reformation gemacht. Vnd der selbigen
yhrer ordnung nachkommen. Dann aber wirt eyn gutter
fried yn Franckreich / vnnd dann furehyn den namen eynes
Christlichen Königes (vnd nicht one vrsach) furen vnd be
halten. Dann wirt Meylandt widder yn seiner rechten hand
sein. Vnd yn diesem Jar / wirt sich der Turckisch Kaiser
herfur thun / vnnd daruber von den Christen hoch berau
bet werden vnd yn vnzahl seines sigs gedeihē. Vnd wirt ein
groß blut uergiffen / yn Candia / vnd Venedig ein schlappen
nehmen / vnd yhres handels zum theil treffentlichen schaden
emphahen. Vnd das ganz Italia / auch Neapolis / Appulia
Rom vnd Florentz / wirt beschwerung haben / vnd de Christ
lichen Keyser ehr vnd wurden erzeygen. Vnd yn diesem Jhar
wirt Beibern hoch steygen yn werden. Aber als zu besorgen
zu eynem sal gedeyhen. Vnd Osterreich wirt weinen / vnnd
sich bekümmern mit Vngern. Der Römisch Kaiser wirt mit
etlichen vnbequemlickeyten seines leibs beladen / vnd zu teill

vileicht des selben schwacheyt (welchs Gott verhüte) doch bald sich yn verwandelung keren. Vnd werden andere könig fursten vnd herrn/ auch tödlich gefar vnd krankheyt habē. Der Babst/ Bischoff mit sampt andern prelaten/ werden einen sorglichen vnd gefarlichen stand/ yn allen yhren anschlegē haben/ mit hynderung yhrer naring. Rittermessige menner vnd krigs volck. 2c werden yn yhren reysen manche hyn/ deraus erfahren. Vnd kauffleut vnd der gleichē/ werden mit vngesuntheyt yhres leibes vmbgeben/ vñ zum teil grose vnsicherung yhrer wege vnd strassen habē. Frawē vñ iunckfrawen vñ der gleichen/ werdē ganz frölich/ vnd die frawen gluckhafftig yn yhren geburten/ one schaden vnd misslingen. Aber das gemeyn volck/ wirt hefftig mit krankheysten beladen/ vnd der augen groß gefar vnd weetag haben.

Von dem xxx. Ihar.
Sonn. Monn.



Die Son wirt yn diesem Ihar auff 8. punct groß/ von obenrab befinstert/ auff den dinstag nach Annunctia tionis Marie/ des morgens vmb. 6. vnd 14. minüt. In dem .18. grad des Widders. Der gleychē verleuret der Mon seynen scheyn. 17. puncten groß/ auff den Donnerstag nach Francisci/ yn der nacht vmb 12. vnd 30. minuten/ yn dem 22. grad des Widder. Vnd ist der Sonnē eingang yn dem ersten püet des widder. Auff den Freitag nach Inuocavit/ morgēs

umb 1. vnd 20. minut.. Ist der Schling yn dem.17. grad/ynn dem ascendenten.Welche considerations vns alle scheinbarlich yn diesem yhar beschedigen werden / mit manchem vnsern vngluck/der wachssenden fruchte dieses yhars. Welchs dann Schwaben vnd Beyhern/den mehern teil empfinden werden.Der halben auch yhr viel yn Schweyz / Sundgaw vnd Elsas trauren werden.Franchreich/Engelland vñ zum theil hispanien/werden umbgeben mit viel schnellen frantzosen vnd tödlichen seuchten.Vnnd ynn viel vnd manchen orten Welschlandes/wirt sich vergiffung eines bösen vnnd schnellen pestilenzischen lufftes erheben / dar durch furwar nicht wenig hertiglich vnd schwer betrubt werden.Es wirt auch yn diesem gegenwertigen yar/ein empörung vnd auffrurh yn Hispanien vnnd etlichen orten Franchreich widder yhre obern allein.Allein die Kirchen vnd geistliche sachen betreffen/auch etliche Secten des glawbens andern. Welchs furwar mit mühe vnd arbeit geschehen wirt.Dargegen wirt Denmarck/Norwegen vnd Schweden/ Liffland vnd Litaw mit guttem gluck vnd schleunigen fröligkeyten begabt.

Der Römische Keyser wirt verursacht/hyn vnnd widder viel kurtze reysen zu thun/vnnd seiner nechsten freunde zum theil/vnttergang vnd schaden sehen. Andere Churfürsten vnd Fürsten des Reichs /werden mit etlichen beschwerden vnd anfechtung verlezet/vnd auch mit viel reisen bekumert yn denen sie widder nutz/fruchtparkeyt odder besserung erlangen werden.Auch etlich der geistlichen Fürsten/ sich widder weltliche erheben/wie vns der Reinsströ mit sampt vmb ligenden orten/yn diesem yar wol anzeygen wirt.Rittermessige lewt/Keysige vnd menschen/welche yhr arbeyt ym fiewer haben/werden mit viel vngluck vnd beschwerung beladē. Solcher maß werden auch alte leut/Mönch vnnd Nonnen mit sampt etlichen dem gemeinem handwergs volck/beladē

Rauff lewt/Schreiber/Rechenmeister vnd subtile handwerg/werden yhren gewyn woll schaffen/yn weniger sorge/vnd mühe/wie wol vilē solcher lewt/yn diesem yar mit fiewer

beschädiget werden. Derhalben sie der güter vnd wonungen schaden nemen werden.

Frauen/Junckfrauen vnnnd der gleichen / werden eynen guten stand haben/ yn gesuntheyt/freude/ liebe vnd freundschaft. 2c.

Von dem x x j. Jhar.

Dieses Jhars eingang/wirt auff den Sonnabend nach Reminiscere/Morgens vmb 7.vnd 9.minut.wu dann der zwölfft grad des Stiers den ascendenten occupire Vnd wider Son nach Mon des yhars befinstert. Aber viel Kummer/mühe vnd angst wirt die lewt besitzen/vnnnd genor auß die Regenten vnd furnembsten/vnd die örter der Christenheyt/nahet am meer / werde yn trubsal vmbfangen/vnd yn manchen gefehrlichen stande schweben. Schweiz vnd Eidgenossenschaft/mit sampt etlichen vmbligenden örten / werde yn frölichem stand gut gluck haben.Des gleichen auch Burgund vnd Engelland.Aber yn Meyssen/Schlesia vnd zum theil die Marck zu Brandenburg/mit vil sterblichen seuchteen vnd krankheyten betruht. Dargegen aber/ Denmark/Schweden vnd Norwegen/gut gluck vnd frid haben werden/yn allen yhren sachen.Wie woll sie zum theil mit krankheyten vnd vorgifften lufften betruht werden.

In diesem yar wirt der Römisch Keiser/etliche vngesel seines leibes haben/yn krankheyttē vnd andern ansechtungen.Sölcher maß werden auch andere Fürsten des Römischen Reichs betruht/vnd viel mit beschwerden belastiget/von yhren dienern vnd vntterthanen.Welcher vngehorsam sich ym sommer gegen yhnen erzeygen wirt. Rittermessige menner/krigs volck vnd der gleichen/werden yn hohē gluck vnd ehren leben/vnd all yhr anschleg/mit guttem fug zum ende füren. Aber alle andere stende/werden hoch beschwerd mit krankheyten vnd andern gefehrlichen zuffellen. Vnnnd ist dis yhar meines bedunckens/eyn suchtig yar/ welchs manchem gesunden man doheym wirt suchen/vnnnd solchs alles be-

forder ynn dem Herbst vnd seiner endung.

Von dem xxij. Ihar. Sonni



HJe wirt die Son verlieren yhren schein iij. punct gros
Freitags nach Bartholomei/ nach mittag vmb 1. vnd
13. minuten/ yn dem 16. grad der Junckfrawen / vnd ist
der Sonnen eingang yn den ersten pücten des Widers / auff
den 10. tag des Merzen/ nach mittag. 58. minu: vnd wirt der
8. grad des Lawen den ascendenten betreffen. Anzeygen
de gros blutuer giessen dieses Iars/ mit vielen vnerhorten kri
gen. Welchs zum theil Ostereich Beyhern/ woll empfinden
wirt/ mit sampt andern vmbligenden örten. Aber die vrsach
wirt von wegen beschüzung Christlicher ordenung/ vnd des
glawbens halben/ wie dann woll von nöthen wirt sein / ynn
den gelegenheytten des yars.

Der halben auch Concilia vnd versamlung geschē wer
den/ vnd die Statuta Christlicher ordenung/ wol vnd gnug
samlich zumachen/ vnd solchs alles mit grosser müsamkeyt
auff ein ende zu brengen. Als dann werden beide regierēde
schwerd/ yn gutter güete cynig/ vnd yn aller miltigkeit regie
ren. Vnd von wegen der constitution Iouis in Scorpione in
fouea planetarum/ hoc est in quadra domo/ wirt zu besorgē
das als dan das geistlich schwerd nicht mehr also lāg/ breid:
vnd scharpff sein werde/ wie dann biß hieher gewesen. Vnd

C ij

wirt yn Schwaben/Schweytz vnd Wyrtenberg gros einyß
Keyt/der gleichen Francken/Hessen/Düringen mit sampt an
dern vmblicgenden örten vnd landen/werden Statuten vnd
ordenungen machen. Aber ynn diesem yhar /werden sich die
Engellender mit sampt yhren beywonenden /solchen orden
nungen vnd Statuten entgegen setzen / andere ordenungen
vntter yhnen machen. Die Venediger vnd Meylender wer
den gleycher maß/gemachten satzungen widder strebē. Aber
Schweytz wirt ynn aller gepür sich gegen Keyser vnd Kö
nigen halten.

Es wirt auch yn diesem gegenwertigen yar/eyn wecklagē
vber die vnordenlichen Statuten gehen/vnd werden die na
türlichen künsten beklagt werdē. Aber derer lerer werden teur
er vnd hoch geacht/ vnd die Philosophi/ an örten / dahynn
man sie nicht gelegt hat/gesucht werdē. Solchē einflus hat
auch das nachuolgend yhar.

Der Römisch Keyser wirt yn diesem yar mit allem gluck
gerzieret/mit schleunigem furgang seyner anschleg /wie wol
des yars anfang sich traurig erzeygen wirt/vnd viel reysens
hyn vnd widder vrsach geben/wirt aber yn der endung/ynn
ein ganz frölich wesen bekert/mit einem rwigem stande.

Aber gegen andern Fursten vn̄ Herrn/wirt sich das ganz
yar mit mühe vnd arbeit erzeygen/mit viel reysen vn̄ wenig
rwe. Wie wol sie nicht kriegisch angefochten : sonderlich ynn
des yars aufgang:so werden sie doch mit manchē beschwer
den belastiget/sonderlich die Churfursten vnd furnembsten
des Römischen Reichs.

Rittermessige lewt/Kriegsvolck vnnd alle die yhr ar
beyt ym fiewer haben/werden etwas vnglucks spüren/vnnd
mühe yhrer handlung.

Vnd yn Summa/werden gemeyniglich alle stendt etwas
betrubt/vnd mit widderwertiger Influxion vmbgeben.
Deren halben vntter yhnen/manche Redt vnd anschlege ge
sucht werden,

Von dem xxxij Kar.



In diesem yhar/wirt der Monn auff.13.punct gros gang
 befinstert/auff den Montag nach Vincula Petri /yn der
 nacht/nach 12.vnd 12.minu.yn dem 20. grad des Wasser
 mans.Vnd ist dieses Ihars anfang/auff den gehenden tag
 Marcij/nach mittag vmb.6. vnd .48. minut:der achzende
 grad der Wag/ym ascendenten/welchs angeige mit sampt
 der finsternus/furwar viel gemachte ordenung vnd Statu-
 ten/zer trennen vnd brechen wirt/dann der Teuffel vnd seyn
 anhang/Christliche einigkeyt nicht gerne sicht vnd alwegen
 wa er lieb vnd eynigkeyt empfindet/seinen samen einsehet.
 Der halben/yn diesem gegenwertigen yhar/ein falscher Pro-
 phet auff stehen wirt/vnd alle sachen des Euangelions vnn-
 glaubens/mit einem schain des gutten/abthun. Der halben
 viel geergert werden/vñ sonderlich wirt dieser lehr anhangē
 Braband/Engelland vnd zum theil Flandern /auch yn et-
 lichen orten hochteutsch landes erschallen/durch die discipel
 des selbigen lerers/ vnd werden viel puncten vnn- statuten/
 welche dan zum theil verganges yars gemacht zu scheyter
 gehen/vnd yn voracht geschlagen. Franckreych wirt yn dies-
 sem yar/yn einem gutten stand schweben. Italia/Neapolis
 vnd Apulia/werden zum theil widderwertigkeyt erlangen/
 yn gēckischen stands. Ein sterbliche seuch wirt yn Schweitz
 vnd dem Bodensehe entstehen. In Leyffland/Preussen vñ
 Poln gute eynigkeit. Aber Denmarck vnd Norwegen /wirt

erlicher maß mit feintschafften angethast/gute vnnnd gluck
haffrige tzeit/besizet das land zu Schwaben / mit freuden
vnd eynigkheyt.

Der Römisch Keyser wirt yn diesem yhar/von seynen vn
terthanen betrubt werden/vnd vülleicht yn etlich krankheit
gesezet. Vnd andere Fursten yn eyner gemein/werden yn dy
sem yhar/yn guter rre vnd eynigkheyt sitzen /vnnnd wenig sich
mit frembden geschafften beladen. Aber die geistliche Furste
werden das gegentheil sehen. Rittermessige vn kriegs volck
werden hochlich mit vnfig umbfangen/vnd yn wenigem ge
luck stehen.

Kauff leut vnd handeler/werden mit embsigen schaden /
yn diesem yhar yhrer narung abshal spüren. Aber Frawen
vnd Junckfrawen/vnd deren gleichen/werden mit gluck sel
ligem stand erleucht/vnd die frawen yn yhren geburten ganz
glucklich. Ordens leut/Mönch vnd Nonnen/werden yn di
sem yar yn einem wanckelischen stande erhalten. Vnd vnter
dem gemeinē volck/werdē sich yn disem yar/Mort/diebstal
betrug/scheltwort vnd gefendnus mancher weyse begeben.

Von dem xxxiiij. Ihar.

Sonn

Monn.



Die Sonn wirt yn diesem gegenwertigen yhar / schier
auff 6. puncten gros obenherab befinstert / Mitwoch
nach octauas Epiphanach mittag vmb. 2. vñ. 4. min.
yn dem dritten grad des Wassermans. Vnd widderumb yn

diesem yar/ wirt der Mon gantz seinen schein verlieren/ auff
den Freitag nach Cōversionis Pauli/ vor mittag vmb 2. vñ
26. mi./ yn dem 19. grad des Lawē/ vnd facht das yar an auf
den. 11. tag des Merzens/ vor mittag 0. stund/ aber 37. minu:
vnd 20. secunde. Welchs yars wirkung sich ynn mancherley
bedeutung erstrecken wirt. Nemlich mit vneinigkeyt vnd wi
derwertigkeyten etlicher Fürstentumb/ vnd sonderlich deren
so do nahe an der sehe liegen. Der halbe Denmarck/ Norwes
gen vnd Schweden/ yhr sach yn acht mögen habē/ damit sie
nicht ein geschwinden schnappen nemē/ vor der sie sich nicht
besorgen. Vnd sollen auch yn diesem yar. Meckelnburg/ Lün
neburg vnd Lawenburg/ wol fürsichtig sein / damit vnter
ihnen nicht ein vnuermutes feur außkom/ welchs lange yar
yn der aschen gelegen sey. Aber yn diesem yar wirt die marck
zu Brandenburg yn gutem friden sitzen/ vñ yn etlichen wir
den auffsteigen/ mit merung glucks vñ güter. In Schweitz
Lotring/ auch zum teil yn Frankreich/ wirt ein schnelle ver
giffung des lufftz zu fallen/ vilen mensche schaden tödliche
febres vnd geschwere verursachen. Der Reinstrom wirt ge
sichert mit einem frödlíchē stand. Wie wol Gulch/ Cleeff vñ
vmbliegende ort/ grosse krankheit vnd tödlich gefar anstom
werden. Auch wirt yn diesem gegewertigen yar ein greulich
er/ des Turckischen keyzers sal gesehen werden / das er furter
byn Christen/ vnd ander Nation wenig anfechten. Aber an
dere Königreich/ fürstentumb vnd landschafften / werde yn
meilem geluck one schaden schweben. Der Römisch Key
ser wirt yn diesem yar einen gantz guten vñ sichern stand ha
ben/ mit keynerley anfechtung/ mit gnugsamē frölichem ges
mit. Vnd andere Fürsten vnd herrn / werden haben gewin
vnd gluck/ vnd yn einem gluckseligen regiment leben/ aufges
nomen die regenten/ vorberurter landschafften. Rittermes
sige meinner/ werden yn vngnaden/ trubsald vnd schaden ge
sart werden. Kauffleut werden mit gluck vnd nutz yhrer
handlungen fortgang sehen. Frauen/ Musici vnd der gleichē
werden yn diesem yar/ mit manchen freuden vmbgeben / vñ

Yhr gluck mit frölichen zugang sehē. Auch wirt das gemein
volck zu guten gewin yhrer narung vortgang befinden.

Von dem xxxv. Ihar.

Dieses yars anfang wirt auff den eilfften tag Marcij /
vor mittag vmb 6. vnd. 26. mit. wirt der 18. grad des
Wide. s yn dem ascendenten gefunden. Aber widder
Son nach Mon werde befinstert. Gleichwol zeigen vns an-
dere Cöstellationes an/ krieg vñ blutuergriffen/ welchs als zu
besorgen/ Denmarck wirt betreffen mit sampt den vmblicke-
den königreichē. Aber yn des yars endung/ wirt das gluck mit
gnugsamē freuden widder komen/ vnd wirt Preussen frolock-
en. Aber Hispania wirt traurē vnd yn grossen krankheiten
vergiftet leidē. Aber andere Fürstetumb deutscher nation
werden mit gnugsamen gluck begabet. Wie wol Italia das
gegenspil sehen wirt/ mit manchen kumer beladen/ vnd groß
anfechtung von yhren nachpuren bekomē. Der Römisch
keyser wirt yn diesem yar angefochtē/ von etlichen seinē nach-
puren/ der halben one zweiffel yhm zum teil schadē erwach-
sen wirt. Es wirt auch yn disem yar/ neid/ haß. vñ verretterey
mancherlei hand gesehen vnd vernomen werde. Solchs wirt
vnter andern Fürstē auch nicht vermitten/ vnd mancher be-
trug zwischē yhn entsten / durch böse mittel personē. Andere
stend werden der gleichen wenig gluck sehen/ vñnd wirt dis
yar mit etlichen widderwertigkeiten vergiffet.

Von dem xxxvj Ihar.

Sonn

Monn.



In diesem gegenwertigen yar /wirdt die Sonn auff acht
 punct groß befinstert obēherab /Sōtags nach Viti nach
 mittag vmb.2. vnd 24.mit.ynn dem .6. grad des Krebs.
 Des gleichen wirt der Mon seines scheins beraubet garnache
 auff 10.puncten gros/von oben herab /montags nach Kata
 rine/nach mittag vmb 6.vnd 43. minu. yn dem.15.grad des
 Zwilings/vnd geschicht der eingang der Sonnen/auff den
 10.tag des Mertzgen /nach mittag .15. mit. wu dann der erst
 grad des Lawen yn dem ascendētē ist. Bedeutet mit sampt
 den finsternussen/gesencknus vnd traurigkeit.Aber yn disem
 yar wirt gnugsam einigteyt des glaubens /vñ wenig betrug
 der falschen lerern/oder gesunderetē predigern.Italia/ Rom
 vnd Florenz/werden mit grossen sorgen vmbgeben/ vnd yn
 einen ganz forchtsamen stand sich erhalten.Auch vnter yhn
 ein fremde krankheyt entstehen /welche von dem gemeinem
 volck viel vmb bringen wirt. Ungern vnd Behem/werden
 ein gros beschwerung von yhren öbern leyden. Denmark
 vnd Schweden/etlicher maß vngluck auch mit krankheittē
 Die Marck zu Brandenburg/Meysen vnnnd etliche Sech
 sische ort/werden gut gluck haben /vnnnd gros vngheorsam
 wirt Braband vnd etliche Niderlendische ort besizen.
 Der Römisch Keyser wirt yn diesem yar eines rechten vnnnd
 Christlichen lebens/weysßheyt vnd vernunfft /yn ordenunge
 vnd sazungen brauchen.Der gleichen werden auch gemeins
 lich all andere Fursten des Reichs/wirt auch vntter yhn ein
 gnugsame eintracht/vnd fridliche anstend. Aber Italia
 Florenz/Rom vnd zum teil Neapolis/werden furwar mit
 yhren obersten das widderspiel haben.

Bittermessige leut /werden yn diesem yar/ynn kummer
 vnnnd angst seyn/mit wenig besserung yhres vornehmens/
 des gleichen auch anderen stenden widderfaren wirt/Aufge
 nommen der Rauffman /der wirt etwas yn gewhyn schwe
 ben/vnd sich auß seinen handlungen bessern.

Von dem xxxviij. Ihar.

Mon

Mon.



In diesem gegenwertigen Jar/wirt der Monn zweymall
gar grauslich seines scheins beraubt/zum ersten mehr
dā auff 20.pūctē gros/auff den donerstag in den pfingst
feiertagen/nach mittag vmb.8.vñ 23.mit.yñ dē 12.grad des
Schützen. Die ander finsternus/wirt auff den Sonnabend
nach Martini/vor mitag vmb.3.vñ.15.mit.auff .xviij. pūct
gros yn dem.5.grad des Zwilings/vñ wirt des yars anfang
auff den.10.tag des Merzen/nach mitag vmb.6.vnd.5.mit
wu dan der erst grad der Wag den ascendentē besitzet.Welch
beide finsternus/abermals dem glaubē ein greulichen stos ge
ben/der halben viel werden wancken/vnnd yha der zeichen
vnd wunders so viel das es auff die lez/einmal brechen mus
Darumb yhr lieben Christen/wachent/dann yhr wißt nicht
wann der haßuatter komen wirt/damit er euch nicht schlaf
fend sind. Vnnd yn summa. Als weiß der Christenlich cir
kell vnnd umbkreiß begreiffend ist /wirdt ynn diesem yhar
anfechtung vnd trubsall grewlichen an allen ortē vberhand
nehmen: Der halben ich auff dis mall von keinem stande
schreib/dann ich keynen zu sichern weysß.

Von dem xxxviij. Ihar.



A Hier wirt der Mon auff 3. punct groß befinstert von obenherab/ auff den dinstag nach Jubilate vor mitag vmb 2. vnd. 46. mit. yn dem andern grad des Schutze. Vnd widerüb wirt er beschatiget von vnten auff iij. punct gros/ auff Mittwoch nach Quiniū sanctorū / nach mittags vmb 5. vnd. 53. mit. yn dem 23. grad des stiers. Vnd fahet das Jar an auff den 10. tag Martij nach mittag vmb 11. vnd 54. mit. vnd betrifft der erst grad des schutzen den ascendente Ynn diesem Jhar wirt Hispania mit sonderlichem gluck vñ freunden begabet/ vnd all vorgangne scheden leichtlich gemilert. Die Schweizer aber werden einen großen schaden leiden dazzu yn großen gefaren stehen. Yn Beyern vnd etlich en örten yn Schwaben/ werden große vnnnd schnelle tranckheyt eyn eylenden zufall haben/ der halben vil hertiglich betrubet werden. Der ganz Reinsfram wirt yn yrrung schweben/ vnd vnder sich nicht eyns sein/ vnd wirt dieses Jars bedeutnus mit vergangen 37 Jar viel rberain kommen.

Der Römisch Keyser/ wirt yn diesem Jar etlich landes schafften vnd herschafftē eröbern/ vnd auch die selben besitzgen/ von welcher wegen er auch Ehr vnd lob erlangen wirt.

Andere Konig Fursten vnd herrn/ werden eynen ganz gluckhafftigen standt haben/ mit gehorsam yhrer vnderthanen. Martialische menschen werden mit graußamen todeslichen süchten beladen werden/ vnnnd des todes gefarlicheyte zum offtermal sehem. Die geistlichen werden auch mit

Brandheysten mancherley beladen werden / vnnnd vnder sich
 zwittrache machen von wegen der Kyrchen odder der selben
 güter wie dan der Reinstrom vns wol angeigē wirt. Frawen
 vnd iunckfrawen werden frolich vnd gluckhafft / vnnnd ane
 mißlingen die frawen yhre geburt verbringen. Aber das
 gemein handterwergets volck wirt etwas ynn vngluck vnnnd
 schwacheyten yhres leibs sein.

Von dem xxxix. Ihar.

Son.



Die Sonn wirt yn diesem gegenwertigen yar 9. punctē
 groß befinstert von vntten auff / auff den Freitag nach
 Quasimodoge. nach mittag vmb 4. vnd. 40. minur: ynn
 siebenden grad des Stiers / wirt des yars anfang auff den 11.
 tag Marcij / vor mittag vmb 5. vnd 45. mi: vnd der 21. grad
 der Visch yn dem ascendenten vns erscheine. Welche constel
 lation mit sampt der finsternus vns antzeygen / ein abgang
 großmechtiger Fursten vnd hern / sonderlich wecher wonig
 gegen dem nidergang ist. In diesem yar wirt Osterreich
 trawren vnd klagen. Vnd Burgundia sampt etlichen Frans
 zösischen örten / wirt yhrer hern veränderung sehen / welchs
 vngluck zum teil Hispanien auch rüren wirt. Vnd ynn der
 endung dieses yars / wirt yn Behem vnd Ungern / groß vns
 gehorsam vnd widerwertigkē von den vnterthanē gesche
 hen / dan sie sich widder yhr öbern werden auff böhmen. Vñ
 stehet darauff nach aller himlischer influxion / das als dann

die Chron zu Behem/ein zeitlang müßig ligē wirt. In Vn-
 gern werden grawsame kranckheyt entsten/welche langwes-
 rig sein werde/vnd doch wenig tödlich. Es werden sich auch
 hin vñ widder yn den landen/manche vnerhorte kranckheits-
 ten erzeigē/die do leichtlich erblich werde/vñ dardurch eins
 von dē andern verunreinēt. Vnd yn disem yar/wirt Schwa-
 ben/Wirtenberg vnd etlich vmb den Bodensehe/das grösste
 gluck haben/guten tusal yhrer narung vnd anders glucks.
 Dargegen wirt hoch Schweiz vñ ichtland ein schnellen vn-
 tergang haben/vnd yhr obern werden erbermlich vntterligē
 Auch wirt yn diesem yar/die Marck von Brandenburg zc
 yn schwere vnd tödliche kranckheyt gesaget/vvnd doch mit
 schnelle verenderung glucks vnd vnglucks. Denmarck wirt
 diesen einflus garnache etwas gemess leiden. Liffland vñnd
 Preussen/entrimen allem vngluck yn diesem yar. Der Rö-
 mische Keyser wirt yn diesem gegewertigen yar/mit gnugs-
 samen gluck/sig vnd sterck begabt werden/mit glucklichen
 anfangen seiner sachen/was aber das nachuolgend yar/yne
 vnd andern Königen vnd fursten bringen wirt/wirt sich yn
 seiner wirckligkeit wol finden. Marcialische menschen werde
 gnugsam gluckhafft/yn allen yhren anschlegen/vnd sachen
 bekommen. Der Kauffman aber/wirt gros vnsicherheyt sei-
 ner reyse haben. Der gleichen wirt viel vnredhtes vnter dem
 gemeinem volck geschehen.

Von dem 11 Yar vnd dem letzten.

Sonu.



In diesem letzten yar/dieser meiner prognostication/wirt
die gros grausam vnd erschrecklich finsternus der Sonne
sich ausspreitz auff 12.puncten gros/Mitwoch nach Qua
simodoge.vor mitag vmb 5.vnd 37.minu.yn dem 27.grad
des Widers/welche innerhalb etlich hundert yar solcher ge
stalt nicht vormerckt vñ gesehen ist wordē/was sie vns gutz
bringen wil/weiß Got der almechtig am bestē. Auch gehet
die Son yn den erste pñctē des Widers/welchs vns des yars
anfang zeyget/auff den zehenden tag des Mertzē vor mit
tag vmb 11.vnd 32.mi.welche influxiones vns sampelich an
zeigen/das do yn diesem yar/vil König vñ fursten zu gleich
ein Königreich regieren werden. Nach dem aber vnd ein alte
sprichwort ist/viel köch salzen seldom gerecht. Ist zu besorgē
das dorans gros zwitteracht vñ vneinigkeit volgen werde/vn
ter Königē vñ fursten. Auch werden yn diesem yar/ sich manch
gefengnis vñ kummer begeben / mit manchen anfechtungē yn
Teütschen landen. Vnd sonderlich werdē vil der obern geists
lichen betribt/yn gefencknissen vñ ander widerwertigkeiten
der halben etliche Fürstē vntter ligen werdē. Vnd von wegē
der constitution Jouis in duodecima in Saturni quadriato/
werden vileicht Thüm vnd Stifftkirchē schaden leiden. Der
halbē der Reinstrom/yn diesem yar sein sach yn guter achtung
trag. Vnd yn diesem yar wirt Venedig/Meyland vñ vmb
ligende sted yn Italia mit hefftigem komer vnd engsten be
trubt werden. Lotring/Burgundia vñ zu teil Hispania wer
den mit grossen vnd schweren kranckheiten beschwert. Den
marck/Norwegē vñ Schwedē auch Preussen vñ Leiffland
werden ont blutnergissen sein/vñ greulich verwundung dis
yar nicht enden. Es werden auch die fursten vñ regenten dis
yars vntter yhnen ordenig wollen machen/aber von wegen
der menge der anfechtung zu keinem ende gedeihen. Vñ wirt
sich vnter yhn manche handlung hin vñ wider begeben /vñ
furwar nicht yn geringen widerwertigkeiten. Vnd yn sum
ma/wirt bey der warheyt meyns bedunckens dis yars wirt
ung mancherley hand/Got gebe vns sein götlich gnad vnd